

L'aministraziun de comun é por assegné i loc de terac por le fabriché alisiré y les sperses che sará a desposiziun tl tēmp de validité dla gradatōra. Les domandes é da dé jō tl secretariat dl Comun da San Martin de Tor cina ai 20.02.2025.

### PLOANIES SAN MARTIN Y LUNGIARÜ

Festa de Sant Ojöp da Oies en dedemesaledema, ai 29 de jená:

Ojöp Freinadamez é nasciü ai 15 d'aurí 1852 a Badia,

mort ai 28 de jená 1908 a Jining tla Cina

y detlaré sant ai 5 d'otober 2003 dal papa Jan Paul II.

I venerun nosc Sant sö Oies cun na funziun en dedolönesc (28/01) dales 20.00 acompagnada dal cor de dlijia da Lungiarü

y cun na mëssa solēna en dedemesaledema (29/01) zelebada da nosc vēsco

Ivo Muser y acompagnada dal Cor de dlijia da San Martin.

Al vëgn recordé che la dlijia da Oies é öna dles 7 dlijies iubilares dl Ann Sant 2025 de nosta Diozeja.

Le Sorvisc ai Jogn Val Badia mët a jí "Dis de preparaziun al maridé" la sabeda y la domēnia, ai 29 y 30 de merz 2025, tl zēnter SaJ.un a La lla. Al sará referac y formaziun tl ciamp dla comunicaziun, relaziun, spiritualité, sanité y dërt.

Le program, orars y cost é da ciafé sön la plata internet: [www.jogn.org](http://www.jogn.org). Le numer di partezipanc é limité y al é da s'anunzié pro le Sorvisc ai Jogn al 342 841 0721 o a [odette@jogn.org](mailto:odette@jogn.org) cina ai 17 de merz.

### LUNGIARÜ

La lista da Longiarü chir candidac y candidates por les lites de comun da d'aisciöda. Düc chi y dötes chères che ess interes da sté sön lista é periá da s'anunzié pro Sara o Gustav.

I seniors y les seniores da Lungiarü é inviá/inviades da gni incö domēnia, 26 de jená, dales 14.00, tla Pizaria Fornata a carté y a fá jüc da mësa (tombola o d'atri)

-----

Le Museum Ladin Ciastel de Tor inviēia a n labore de filigrana cun Liana Scarano en sabeda, al 01 de forá, dales 13.00 ales 19.00. Cun massaries desvalies imparēise da cherié toc de belijia ince do osta idea. Le curs costa 50 euro por porsona; al n'é alplü 6 che pó tó pert . Prenotesse por telefon a 0474 524020 o por mail: [prenotaziuns@museumladin.it](mailto:prenotaziuns@museumladin.it)

### Döt le bun a chi che complësc i agn de forá

**a San Martin:** Pire Tavella (Pinis) che nen complësc 82 ai 8  
siur Heinrich Perathoner che nen complësc 84 ai 11  
Oliva Winkler Vanzi che nen complësc 88 ai 18  
Sepl Frenner che nen complësc 87 ai 19  
Anna Pedevilla Planatscher nen complësc 87 ai 24

**a Lungiarü** Albino Dejaco che nen complësc 85 ai 6



[unitepastorala.org](http://unitepastorala.org)

## Plata dles Ploanies San Martin y Lungiarü

ploan siur Klaus Sottsas 344 15 54 055 - [ksottsas@rolmail.net](mailto:ksottsas@rolmail.net)  
redaziun: [anton.gasser@rolmail.net](mailto:anton.gasser@rolmail.net) - 348 27 44 517 / 0474 523194

### 26.01. - 02.02.25 n. 09

termo por comunicaziuns: jöbia, dales 20.00

## 3ª DOMÈNIA IA POR L'ANN C

### Vangele do san Lúca 1, 1-4; 4, 14-21

Insciö é Gejú ince rové a Nàzaret, olach'al ê chersciü sö, y é jü, sciöche zēnza, le sàbat tla sinagoga. Canch'al é lovè sö, por li fora dla Scritōra, ti àn sport le liber dl profet Isaia. Al à daurì le liber y é rové pro le toch olach'al é scrit: Le Spirit dl Signur é sön mè; deache le Signur m' à unt. Al m' à menè, por ch' i ti portes ai püri na noela de ligrèza; por ch' i ti incündes ai sarà ia la deliberaziun y ai verc la löm di edli; ch' i mëtes i desgrazià tla liberté y protlamēies n ann de grazia dl Signur. Spo àl stlüt le liber, ti al à dè al sorvidù dla sinagoga y s' à sentè jö. I edli de düc tla sinagoga ê ôc sön ël. Spo àl metü man da ti splighé: Incö s' à ademplì la parora dla Scritōra ch' i eis dër aldì.



"... y é jü, sciöche zēnza, le sàbat tla sinagoga" chēsta frasa, che Gejú vá le dé de Sábato sciöche zēnza tla sinagoga me dij tröp, deache chēsta usanza á por me na gran importanza, ince sc'al n'é tres deplü che me ciara cun incompreñiun, da stufé, ala vedla - por me no.

Por me é le jí a dlijia la domēnia sciöche na oasa tl desert.


Ince sc' i á datrai n pez da rové ite y sun despinsieré.

I sinti tres deplü che la zelebrazion me renfrësca, ch' ara atoca mia vita y ch' i vëgni fora de dlijia cun plü ligrèza, plü lisirèza y plü coraje.

Tl vangele da incö él Gejú che lí dant les opres demorvèia de Dì y stlüt jö: Incö s' á ademplí la parora dla Scritōra.

Le jí a dlijia la domēnia é por me na buna usanza olach' i me sinti da ciasa.

Michael Tillmann

EDEMA - C	SAN MARTIN	LUNGIARÜ	 <b>Domënia dla Bibia</b>
<b>26.01.25</b> <b>3<sup>a</sup> Domënia - C</b>  <b>Domënia dla Parora de Dî</b>	<b>Festa de Sant Ojöp da Oies</b> <b>9.30 Corona</b> ( <i>don Marco</i> ) <b>10.00 Gran Mëssa por la Comunité</b> en onur de sant Ojöp da Oies + Pire Unterweger, dl ann + Sepl Flöss, d'Arzó, dl ann <b>14.00 Bato de Pire Frenner</b> de Simon y Maira Call	<b>7.50 Corona</b> <b>8.15 Liturgia dla Parora de Dî</b>	<p>Sc'i festejun incö la Parora de Dî, spo orunse ince tó so liber, la Sacra Scritöra, tles mans.</p> <p>Da platerné laite nes inviëia chësc quiz sön le vangele do san Lüca che vëgn lit dant les domënies ia por chësc ann C.</p> <p>1) Por che scrí pa san Lüca so vangele?</p> <p>a) por la comunité da Roma. <input type="radio"/></p> <p>b) por Teofilus. <input type="radio"/></p> <p>c) por i pröm cristians <input type="radio"/></p> <p>2) Te ci capitul dij pa Maria le Magnificat?</p> <p>a) tl pröm capitul. <input type="radio"/></p> <p>b) tl tredejimo capitul. <input type="radio"/></p> <p>c) tl ultimo capitul. <input type="radio"/></p> <p>3) Tl mëte man le cap. 8 él l'inom de trëi ères:</p> <p>a) acompagnïeres Gejú? <input type="radio"/></p> <p>b) prëieres Gejú ch'al les varësces? <input type="radio"/></p> <p>c) ne sáres nia olá ia? <input type="radio"/></p> <p>4) Do ci vangele dijunse pa le Paternoster?</p> <p>a) do chël de san Matí (cap.6). <input type="radio"/></p> <p>b) do chël de san Merch. <input type="radio"/></p> <p>c) do chël de san Lüca (cap.11). <input type="radio"/></p> <p>5) De ci cunta pa Lüca tles paraboles (cap. 15)?</p> <p>a) dla biscia y dla monëda/drama pordüda. <input type="radio"/></p> <p>b) dla biscia y dla perla pordüda. <input type="radio"/></p> <p>c) dla biscia y dla buna ocasiun pordüda. <input type="radio"/></p> <p>6) Ci dij pa Gejú tl vang. do Lüca denanche morí?</p> <p>a) Al é complí. <input type="radio"/></p> <p>b) Eloí, Eloí, lema sabachtani. <input type="radio"/></p> <p>c) Pere, te tües mans surandái mi spirit. <input type="radio"/></p> <p>7) Che cunta pa di discepuí söl tru de Emmaus?</p> <p>a) le vangelist san Matí. <input type="radio"/></p> <p>b) le vangelist san Merch. <input type="radio"/></p> <p>c) le vangelist san Lüca. <input type="radio"/></p> <p><i>Les dërtes respostes ciafëise tla proscima plata</i></p>
27.01.25 <i>Angela Merici, Iulian Lönesc</i>			
28.01.25 <b>Dedolönesc</b> <i>Tomesc d'Aquin, Carolina, Karin</i>	<b>8.00 Mëssa</b> en onur de Sant Ojöp da Oies de renger. ++ Giovanni y Perpetua Rubatscher ++ Angelina y Pio Baldissera <b>20.00 Funziun sacra sö Oies</b> en onur de Sant Ojöp Frëinadamez	<b>20.00 Funziun sacra sö Oies</b> en onur de S. Ojöp Frëinadamez	
29.01.25 <b>Dedemesaledema</b> <i>Sant Ojöp Frëinadamez, Valire</i>	<b>16.00 Mëssa solëna sö Oies</b> cun nosc vëscö Ivo Muser	<b>7.30 Mëssa</b> + Erika Castlunger, Rina ++ dl Ostí Vedl <b>16.00 Mëssa solëna sö Oies</b> cun nosc vëscö Ivo Muser	
30.01.25 <i>Martina, Serena</i> <b>Jöbia</b>			
31.01.25 <i>Giovanni Bosco, Eujeb</i> <b>Vëndres</b>	<b>18.30 Adoraziun chîta</b> <b>19.00 Adoraziun deboriada</b>		
01.02.25 <b>Sabeda</b> <i>Brighita, Giovana</i>	<b>18.30 Mëssa prefestia</b> + Leopold Flöss, Peterle, dl ann + Ida Clara Verginer dl ann + Alfred y Erica Videsott + Anna Mairunteregger, dl ann <b>Benedisciun de San Blaje</b>		
<b>02.02.25</b> <b>Presentaziun dl Signur</b> <i>De dla vita consacrada</i> <i>De dla vita</i>	<b>9.30 Corona por vocaziuns</b> ( <i>pater Franz</i> ) <b>10.00 Gran Mëssa por la Comunité</b> de rengraziämënt por la vita en onur dl Spirit Sant <b>Benedisciun de San Blaje</b>	<b>7.50 Corona</b> ( <i>pater Franz</i> ) <b>8.15 Gran Mëssa por la comunité</b> de rengraziämënt por la vita dl ann + Marino Clara dl ann + Franz Pezzei, Ghestan dl ann + Serafin Clara ++ dl Mair <b>Benedisciun de San Blaje</b>	